



Comhordaitheoir Sceidil Ilardán

Conradh Buan

Is mian le TG4 Comhordaitheoir Sceidil Ilardán a earcú a bheidh lonnaithe sa gCeannáras i nGaeltacht na Gaillimhe. Tá polasaí oibre solúbtha i bhfeidhm ag TG4. Ag freagairt don Bhainisteoir Sceidil Ilardán, beidh an Comhordaitheoir Sceidil ag cur tacaíocht ar fáil chun Sceideal TG4 a chruthú, saineolas teicniúil a chur ar fáil do thograí Sceidil, comhordú a dhéanamh ar na sruthanna oibre sceidil, tuairiscí rochtana a chur ar fáil agus comhordú a dhéanamh ar sholáthar fotheideal TG4.

Fostóir comhdheiseanna é TG4 agus déantar iarratais incháilithe a mheas gan beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh ná ballraíocht den Lucht Siúil. Tá meon dearfach ag TG4 i leith na hÉagsúlachta. Fáilteoidh muid roimh iarratais ó dhaoine a bhfuil cúlraí éagsúla acu. Tacaíonn TG4 le daoine faoi mhíchumas a fhostú.

An Ról

Beidh an té a cheapfar freagrach as ceannasaíocht a ghlacadh ar an sceideal ilardán mar aon le tacaíocht theicniúil a chur ar fáil don fhoireann sceidil maidir le córais Mediator / Mediagenix.

I measc na gcúraimí a bheidh i gceist, gan bheith teoranta dóibh, beidh;

- An Sceideal Ilardán a phleanáil agus a chur i bhfeidhm i gcomhar leis an Eagarthóir Ilardán (mar shampla ar YouTube, ar an Seinnteoir, agus ar ardáin chraolta eile)
- Tacaíocht agus saineolas teicniúil a chur ar fáil don Fhoireann Sceidil (MediaGenix & Mediator)
- Comhordú agus riaradh a dhéanamh ar sholáthar fotheideal TG4
- Tuairiscí rialta a chur ar fáil agus tacaíocht a thabhairt don Bainisteoir Sceidil Ilardán agus don Eagarthóir Ilardán maidir le dualgais rochtana agus chomhlíonta TG4 do Choimisiún na Meán
- Modúil nua sceidealaithe a fhorbairt agus a chur i bhfeidhm agus sruthanna oibre éifeachtacha i ndáil leis an Sceideal ilardán a chur i bhfeidhm
- Craoltaí Spóirt/beochraoltaí trasardán a shocrú agus a bheith i do phointe teagmhála idir comhlachtaí léiriúcháin agus na rannóga láithreachais/ionchuir/sceidil (mar shampla ar YouTube, Seinnteoir TG4 nó eile)
- Saoire na foirne sceidil a chlúdach nuair is gá
- Déileáil le páirtithe leasmhara inmheánacha agus seachtracha a bhaineann le sceidil ilardán TG4

Tabhair ar aird: Is treoir atá sa sainchuntas poist seo maidir le réimsí éagsúla freagrachta agus cuntasachta agus níor cheart breathnú air mar liosta cuimsitheach. D'fhéadfadh an sainchuntas poist a bheith faoi réir athbhreithnithe i bhfianaise struchtúir nua agus/nó athrú a bheith ag teacht ar riachtanais TG4.

Bíonn tionscal na teilifíse ag síorathrú. Glacann TG4 go fonnmhar leis na hathruithe seo agus athróidh an comhlacht agus dualgais na foirne dá réir.

Nithe atá riachtanach don phost seo:

- A bheith tiomanta d'Fhís, Misean agus Straitéis TG4 a chur i bhfeidhm.
- Taithí mhaith ar chúrsaí riaracháin agus ríomhaireachta (Excel, MS Office) agus ábalta córais nua a fhoghlaim go tapa. Bheadh eolas ar chórais TG4 (Mediagenix, Mediator) ina bhuntáiste, ach cuirfear traenáil ar fáil.
- Taithí agus tuiscint ar shruthanna oibre éifeachtacha a chur i bhfeidhm agus córais a úsáid ar mhaithe leis an obair a éascú agus a fheabhsú.
- Tuiscint ar Lucht Féachana trasardán agus ábalta sceideal oiriúnach a chur le chéile.
- Ábalta feidhmiú go muiníneach, éifeachtach as do stuaim féin i dtimpeallacht spreagúil.
- Fócas dearfach agus ábalta oibriú mar bhall d'fhoireann.

- A bheith ábalta spriocanna oibre a chomhlíonadh agus a chinntiú go mbeidh ábhar ar ardchaighdeán réidh agus ar fáil in am.
- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.

4pm Dé hAoine an 28 Lúnasa 2026 an spriocdháta d’iarratais. Seol do CV mar aon le litir iarratais chuig cv@tg4.ie.

Eolas Breise don Iarratasóir

Grád an Phoist:

Grád 4

Uaireanta Oibre:

39 uair sa tseachtain. Mar gheall ar riachtanais an phoist, táthar ag súil go mbeifí solúbtha ó am go ham, lena n-áirítear a bheith sásta oibriú nuair is gá lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal:

Beidh taisteal i gceist ó am go chéile mar chuid den ról, in Éirinn agus thar lear.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d’Fhostaithe • An Scéim um Rothaíocht chun na hOibre
---	--